

**Anwar akui kehadiran ceramah besar tidak menjanjikan undi**  
**Malaysian Insider**  
**April 29, 2013**  
**Oleh Syed Jaymal Zahiid**

PETALING JAYA, 29 April — Ketua Pembangkang Datuk Seri Anwar Ibrahim mengakui hari ini kehadiran besar dalam ceramah Pakatan Rakyat (PR) tidak semestinya menjamin undi.

Ketua umum PKR itu walau bagaimanapun mengatakan angka besar itu dapat mencerminkan "kadar semangat" yang boleh diambil sebagai tanda positif untuk pakatan pembangkang persekutuan menjelang pilihan raya 5 Mei.

"Tidak semestinya, kamu benar," kata Anwar apabila ditanya apakah beliau merasakan kehadiran besar dalam ceramah PR boleh menjadi indikasi meningkatnya sokongan terhadap gabungan itu.

"Akan tetapi, saiz hadirin adalah jelas membanggakan. Ia akan mencerminkan kadar semangat kerana kita tidak menyediakan bas, tidak menyediakan makanan percuma, tidak menyediakan peruntukan RM20 seperti yang lain lakukan," katanya.

Perhimpunan PR di kawasan-kawasan di mana terdapat pertempuran besar seringkali dihadiri oleh ribuan orang terutamanya yang dihadiri oleh pemimpin terkenal.

Contohnya ialah seperti di pusat pentadbiran negara Putrajaya pada Sabtu yang dipenuhi oleh ribuan orang apabila Mursyidul Am PAS Datuk Nik Abdul Aziz Nik Mat berucap dihadapan ribuan penyokong.

Kebanyakan pengundi yang terdiri daripada penjawat awam, keluarga mereka dan lain-lain yang tinggal berhampiran memenuhi ruang letak kereta di belakang Istana Keadilan di sini, jumlah kehadiran yang hanya kebiasaannya semasa karnival dan acara kerajaan.

Pertempuran Putrajaya akan menyaksikan Naib Presiden PAS Datuk Husam Musa akan berhadapan dengan Setiausaha Agung Barisan Nasional (BN) Datuk Seri Tengku Adnan Tengku Mansor penyandang yang dilihat di atas kertas mampu mempertahankan kerusi tersebut.

Laporan di bawah juga menyaksikan sambutan hangat diberikan terhadap pemimpin PR bertanding di Johor, salah satu negeri kunci bagi PR mencapai cita-cita mereka ke Putrajaya, dengan perhimpunan yang terdapat Lim Kit Siang mampu menarik ribuan hadirin.

Lim dilihat sebagai calon 'underdog' di Gelang Patah akan berhadapan dengan menteri besar sementara Johor Datuk Abdul Ghani Othman.

Pemerhati walaubagaimanapun berkata, saiz hadirin di ceramah pembangkang mungkin sesuatu yang belum dilihat sebelum ini, akan tetapi ia tidak menjamin undi untuk PR.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/anwar-akui-kehadiran-ceramah-besar-tidak-menjanjikan-undi/>

